



瑜
伽
師
地
論 卷三十五

道一 編講
2019 慧日講堂

丙十、菩薩地【講義卷三十五p 1029】

- 如是已說獨覺地。云何菩薩地？
- 嗚柁南曰：初持次相分 增上意樂住 生攝受地行 建立最為後
- 有十法具攝大乘菩薩道及果。何等為十？一者、持，二者、相，三者、分，四者、增上意樂，五者、住，六者、生，七者、攝受，八者、地，九者、行，十者、建立。

瑜伽師 十七地

一者、五識身
相應地

十五者、菩薩地

十七者、無餘
依地

十法

持

相

建立

種性

發心

覺分 (加行)

持

相

建立

種性

發心

覺分 (加行)

子一、簡無種性

子二、簡不發心

癸四、異名

卷35~卷36

自他利品

真實義品

威力品 (卷37)

成熟品 (卷37)


菩提品 (卷38)

壬一、總釋「持」名

【講義卷三十五p 1029】


- 云何名持？謂諸菩薩自乘種性、最初發心，及以一切菩提分法，是名為持¹。何以故？

¹ 持謂任持，謂大菩提，為自種性、最初發心，及以一切菩提分法所任持故。體雖不同，而義是一。由隨彼體等量不壞是持義故。



癸二、釋義…丑一、種性持

- 以諸菩薩自乘種性為依止故、為建立故，有所堪任、有大勢力，能證無上正等菩提，是故說彼自乘種性，為諸菩薩堪任性持。



癸二、釋義…丑二、發心持

- 以諸菩薩最初發心為所依止、為建立故，於施、戒、忍、精進、靜慮、慧，於六波羅蜜多，於福德資糧、智慧資糧³，……（能勤修學）


³ ① 謂能破裂慳吝、貧窮，及能引得廣大財位、福德資糧，故名為施。② 又能息滅惡戒、惡趣，及能取得善趣、等持，故名為戒。③ 又能滅盡忿怒、怨讎，及能善住自他安隱，故名為忍。④ 又能遠離所有懈怠、惡不善法，及能出生無量善法令其增長，故名精進。⑤ 又能消除所有散動，及能引得內心安住，故名靜慮。……

³ **6** 又能除遣一切見趣、諸邪惡慧，及能真實品別知法，故名為慧。又此六種，於諸世間聲聞、獨覺施等善根最為殊勝，能到彼岸，是故通稱波羅蜜多。義如攝大乘論說。（攝大乘論二卷二十四頁 31,144b）又此六種正修行時，能為無上正等菩提真實資糧。資糧有二，謂福及智。福攝三種波羅蜜多，一、施波羅蜜多，二、戒波羅蜜多，三、忍波羅蜜多。智唯一種波羅蜜多，謂慧波羅蜜多。精進、靜慮波羅蜜多，應知通二分，一者、福分，二者、智分。義如下說。（陵本三十六卷五頁2916）如是當知，施等體雖是一，望義不同，是故此中差別宣說。

癸二、釋義…丑二、發心持


- ……於一切菩提分法⁴，能勤修學，是故說彼最初發心，為諸菩薩行加行持。

⁴ 於一切菩提分法者：顯揚頌云：覺分有眾多，最初三十七。如彼長行廣釋應知。（顯揚論二卷十頁31,488b）




癸二、釋義…丑三、覺分持

- 以諸菩薩一切所行菩提分法為所依止、為建立故，圓滿無上正等菩提，是故說彼一切所行菩提分法，為所圓滿大菩提持。




癸三、遮簡；子一、簡無種性

- 住無種性補特伽羅，無種性故，雖有發心及行加行為所依止，定不堪任圓滿無上正等菩提。
- 由此道理，雖未發心、未修菩薩所行加行，若有種性，當知望彼而得名持。



癸三、遮簡；子二、簡不發心

- 又住種性補特伽羅，若不發心、不修菩薩所行加行，雖有堪任，而不速證無上菩提；與此相違，當知速證。



癸四、異名

- 又此種性，已說名持，亦名為助、亦名為因、亦名為依、亦名階級、亦名前導、亦名舍宅。如說種性，最初發心、所行加行，應知亦爾。

王二、別顯「持」義

持

種性

發心

菩提
分法

1、安住種類別

2、名字分位別

3、自他勝劣別

4、白法相應別

5、有染無染別

6、有障無障別

1、由種性勝

2、由四事勝

1、施種性相

2、戒種性相

3、忍種性相

4、精進種性相

5、靜慮種性相

6、慧種性相

子一、安住種類別

云何種性？謂略有二種。一、本性住種性，二、習所成種性。

本性住種性者，謂諸菩薩六處殊勝有如是相，從無始世展轉傳來，法爾所得，是名本性住種性。⁶

習所成種性者，謂先串習善根所得，是名習所成種性。


此中義意，二種皆取。

⁶六處殊勝等者：聲聞地說：附在所依，有如是相，**六處所攝**。從無始世展轉傳來，法爾所得。又說：如是種子，非於六處有別異相。即於如是種類、分位、六處殊勝，乃至廣說是故當言墮一相續。（陵本二十一卷二頁1811）其義應知。

子二、名字分位別

又此種性亦名種子、亦名為界、亦名為性。

又此種性 **1** 未習成果，說名為細，未有果故。**2** 已習成果，說名為麤，與果俱故。



子三、自他勝劣別


丑一、由種性勝

若諸菩薩成就種性，尚過一切聲聞、獨覺，何況其餘一切有情。當知種性無上最勝。

何以故？

略有二種淨，一、煩惱障淨，二、所知障淨。一切聲聞、獨覺種性，唯能當證煩惱障淨，不能當證所知障淨；菩薩種性，亦能當證煩惱障淨，亦能當證所知障淨。

是故說言：望彼一切無上最勝。



復由四事，當知菩薩勝於一切聲聞、獨覺。何等為四？一者、**根勝**，二者、**行勝**，三者、**善巧勝**，四者、**果勝**。

❶ **言根勝者**，謂諸菩薩本性利根，獨覺中根，聲聞軟根，是名根勝。

❷ **言行勝者**，謂諸菩薩亦能自利，亦能利他，利益安樂無量眾生，哀愍世間，令諸天人獲得勝義利益安樂；聲聞、獨覺唯行自利；是名行勝。

子三、自他勝劣別


丑二、由四事勝

(2-2)

3 善巧勝者，聲聞、獨覺於蘊、界、處、緣起、處非處中能修善巧；菩薩於此及於其餘一切明處能修善巧；是名善巧勝。⁷

4 言果勝者，聲聞能證聲聞菩提，獨覺能證獨覺菩提，菩薩能證阿耨多羅三藐三菩提，是名果勝。

⁷ 聲聞獨覺至是名善巧勝者：聲聞、獨覺能修善巧，唯內明處少分所攝。菩薩不爾，於五明處能修善巧，是故殊勝。




子四、白法相應別

丑一、標列六相

又諸菩薩有六波羅蜜多種性相。由此相故，令他了知真是菩薩。

謂施波羅蜜多種性相，戒、忍、精進、靜慮、慧波羅蜜多種性相。

丑二、釋其差別（以下）



寅一、施種性相

意樂

正行

惠捨

法施

供養

無畏施

財施




云何菩薩施波羅蜜多種性相？

辰一、由意樂；巳一、惠捨攝

謂諸菩薩¹本性樂施，於諸現有堪所施物，恆常無間性能於他平等分布，心喜施與，意無追悔。⁸

⁸ 本性樂施至意無追悔者：施品中說：又諸菩薩，施前意悅，施時心淨，施後無悔。（陵本三十九卷九頁3203）如其所應配釋應知。又復此中，性能於他平等分布者，謂諸菩薩行布施時，普於一切有情之類起平等心，住福田想，而行惠施。終不分別怨親中庸、有德有失、劣等勝品、有苦有樂品類差別。



云何菩薩施波羅蜜多種性相？

……**2**施物雖少，而能均布；惠施廣大，而非狹小。⁹


3無所惠施，深懷慚恥。

4常好為他讚施勸施，見能施者心懷喜悅。

辰一、由意樂；巳二、供養攝

於諸尊重、耆宿、福田、應供養者，從座而起，恭敬奉施。


⁹ 施品中說：又不狹劣而行惠施。謂財雖少，尚廣心施，何況財多。（陵本三十九卷八頁3201）



辰二、由正行；巳一、法施攝

於其彼彼此世他世有情無罪利益事中，若請不請，如理為說。¹¹

¹¹ 於其彼彼此世他世等者：戒品中說：謂於樂行惡行有情，為欲令斷諸惡行故，以相應文句、助伴、隨順、清亮、有用、相稱、應順、常委分資糧法而為宣說。乃至廣說於佛聖教懷憎嫉者，為欲令彼得清淨信，證清淨見，超諸惡趣，盡一切結，越一切苦；應知亦爾。（陵本四十卷九頁3284）由是當知，諸所說事，隨其所應，能令有情此世他世安樂，是名彼彼此世他世有情無罪利益事。若他求請、或不求請，以相應文句等而為宣說，是名如理為說。




辰二、由正行；巳二、無畏施攝

若諸有情怖於王賊及水火等，施以無畏，能於種種常極怖中，隨力濟拔。

辰二、由正行；巳三、財施攝；午一、不誑罔他

① 受他寄物，未嘗差違。② 若負他債，終不抵誑。③ 於共財所，亦無欺罔。④ 於其種種末尼、珍珠、琉璃、螺貝、璧玉、珊瑚、金銀等寶資生具中，心迷倒者，能正開悟。尚不令他欺罔於彼，況當自為。



子四、白法相應別



寅一、施種性相 (5-5)

辰二、由正行；巳三、財施攝；午二、不樂畜積

① 其性好樂廣大財位，於彼一切廣大資財心好受用；樂大事業，非狹小門。② 於諸世間酒色、博戲、歌舞、倡妓種種變現耽著事中，速疾厭捨，深生慚愧。③ 得大財寶，尚不貪著，何況小利。

卯三、結

如是等類，當知名為菩薩施波羅蜜多種性相。



寅二、戒種性相

意樂

正行

律儀戒

攝善戒

饒益戒

敬事尊長

修和敬業

成就賢善

了知恩報

如法求財

樂修福業


愍苦知畏

助伴作業

意相應善

語相應善





云何菩薩戒波羅蜜多種性相？

辰一、由意樂；巳一、律儀戒攝

謂諸菩薩，**1**本性成就軟品不善身語意業，不極暴惡，**2**於諸有情不極損惱。¹⁶**3**雖作惡業，速疾能悔，常行恥愧，不生歡喜。¹⁷**4**不以刀杖手塊等事惱害有情；於諸眾生，性常慈愛。

¹⁶ 本性成就軟品不善身語意業等者：謂以軟品貪瞋癡為因緣故所起諸業，是名軟品不善身語意業。於諸眾生無殺害心，是名不極暴惡。成就不害，不好以惡身語損惱於他，是名不極損惱。

¹⁷ 不生歡喜者：有尋有伺地業顛倒中，說有喜樂顛倒。謂如有一，不善業道現前行時，如遊戲法，極為喜樂。（陵本九卷五頁651）與此相違，當知是名不生歡喜。


子四、白法相應別

寅二、戒種性相 (9-2)

辰一、由意樂；巳二、攝善戒攝；午一、敬事尊長於所應敬，時起奉迎，合掌問訊，現前禮拜。

辰一、由意樂；巳二、攝善戒攝；午二、修和敬業修和敬業，所作機捷，非為愚鈍，善順他心。¹⁸

¹⁸ 修和敬業等者：攝事分說：謂有苾芻作是思惟：攝取捷慧、愛樂修福同梵行者以為助伴，所有僧事及其餘事皆令彼作，我獨蕭然自得而住。（陵本一百卷七頁 7490）當知是人，於同梵行非愛、非敬，不作應作。今此不爾。所作機捷，成就六種可樂、可愛、可重、無違諍法，與諸有智同梵行者共住一處，常令歡喜，是名善順他心。




子四、白法相應別

寅二、戒種性相 (9-3)

辰一、由意樂；巳二、攝善戒攝；午三、成就賢善
常先含笑，舒顏平視，遠離鬚蹙，**先言問訊**。19

19 常先含笑等者：此顯為性賢善應知。隨世儀轉慰問有情，或問安隱吉祥，或問諸界調適，是名**先言問訊**。



子四、白法相應別


寅二、戒種性相 (9-4)

辰一、由意樂；巳三、饒益戒攝；午一、了知恩報

1 於恩有情，知恩知報。2 於來求者常行質直，不以諂誑而推謝之。20

20 **A** 謂諸菩薩，於已有恩諸有情所，善知恩故，若等若增現前酬報，隨能隨力，如法令其意望滿足。**B** 雖無力能，彼若求請，即於彼彼所作事業示現殷重精勤營務，終不頓止彼所希求，云何令彼知我無力，非無欲樂。如真實義品中說。

(陵本三十六卷十四頁2965) 此所說義，準彼應釋。



子四、白法相應別

寅二、戒種性相 (9-5)

辰一、由意樂；巳三、饒益戒攝；午二、如法求財


如法求財，不以非法，不以卒暴。²¹

辰一、由意樂；巳三、饒益戒攝；午三、樂修福業

性常喜樂修諸福業。²²於他修福尚能獎助，況不自為。

²¹ 如法求財等者：謂與如理作意相應，以法及不凶險追求財物，不以非法及凶險。如有尋有伺地說應知。（陵本五卷十五頁380）

²² 性常喜樂修諸福業者：謂施、戒、修三福業事應知。




子四、白法相應別

寅二、戒種性相 (9-6)

辰一、由意樂；巳三、饒益戒攝；午四、愍苦知畏

若見若聞他所受苦，所謂殺縛、割截、捶打、訶毀、迫脅，於是等苦過於自受，**重於法受**²⁴及重後世。於少罪中尚深見怖，何況多罪。

²⁴ 過於自受重於法受者：謂若見聞他所受苦，過於自所受苦，重於現所領受彼法苦故。



辰一、由意樂；巳三、饒益戒攝；午五、助伴作業；未一、簡擇所作；申一、於如法事
於他種種所應作事，所謂商、農、放牧、事王、書印、算數、善和諍訟、追求財寶、守護儲積、方便出息，及以捨施、婚姻、集會。於是一切如法事中，悉與同事。

辰一、由意樂；巳三、饒益戒攝；午五、助伴作業；未一、簡擇所作；申二、於非法事
於他種種鬥訟諍競，或餘所有互相惱害，能令自他無義無利，受諸苦惱。如是一切非法事中，不與同事。

子四、白法相應別


寅二、戒種性相 (9-8)

辰一、由意樂；巳三、饒益戒攝；午五、助伴作業；未二、加行所作；申一、制止

善能制止所不應作。謂十種惡不善業道。

辰一、由意樂；巳三、饒益戒攝；午五、助伴作業；未二、加行所作；申二、成辦

不違他命，善順於他，同忍同戒。於他事業隨彼所欲，**廢己所作而為成辦。**



子四、白法相應別

寅二、戒種性相 (9-9)

辰二、由正行；巳一、意相應善


其心溫潤、其心純淨，恚心、害心不久相續，隨生隨捨，起賢善心。

辰二、由正行；巳二、語相應善

① 尊重實語，不誑惑他，不離他親，亦不好樂，不輕爾說無義無利不相應語。② 言常柔軟，無有麤獷；③ 於己僮僕尚無苦言，況於他所。④ 敬愛有德，如實讚彼。

卯三、結

如是等類，當知名為菩薩戒波羅蜜多種性相。



子四、白法相應別

寅三、忍種性相

卯一、徵


云何菩薩忍波羅蜜多種性相？

卯二、釋

謂諸菩薩，性於他 **A** 所遭不饒益，無恚害心，亦不反報。 **B**
若他諫謝，速能納受，終不結恨，不久懷怨。

卯三、結

如是等類，當知名為菩薩忍波羅蜜多種性相。



子四、白法相應別

寅四、精進種性相

(3-1)

卯一、徵

云何菩薩精進波羅蜜多種性相？

卯二、釋

<別為五類>

被甲精進攝

方便精進攝


不下精進攝

無動精進攝

無喜足精進攝

卯三、結

如是等類，當知名為菩薩精進波羅蜜多種性相。




卯二、釋；辰一、被甲精進攝

謂諸菩薩，性自翹勤，夙興晚寐，不深耽樂睡眠倚樂。

卯二、釋；辰二、方便精進攝

於所作事²⁸勇決樂為，不生懈怠，思擇方便，要令究竟。凡所施為一切事業，堅固決定；若未皆作、未皆究竟，終不中間懈廢退屈。

²⁸ 謂為成熟自佛法故，及為成熟他有情故，諸有所作，名所作事應知。



子四、白法相應別

寅四、精進種性相

(3-3)

卯二、釋；辰三、不下精進攝



於諸**廣大第一義**中，²⁹心無怯弱，不自輕憊，發勇猛心：我今有力能證於彼。（²⁹此說無上大菩提果，名**廣大第一義**應知。）

卯二、釋；辰四、無動精進攝

或入大眾，或與他人共相擊論，或餘種種難行事業，³⁰皆無畏憚。（³⁰如下說有難行施、戒，乃至難行利行，其事應知。）

卯二、釋；辰五、無喜足精進攝

能引義利**大事務**中，³¹尚無深倦，何況小事。（³¹此說能作有情一切義利諸菩薩行，名**大事務**。）



子四、白法相應別

寅五、靜慮種性相

(5-1)

卯一、徵

云何菩薩靜慮波羅蜜多種性相？

愛樂遠離

已一、處所遠離

已二、煩惱遠離

卯二、釋

<別為四類>

慈愍眾生

已一、慈俱行


已二、悲俱行

安忍眾苦

成就念力

卯三、結

如是等類，當知名為菩薩靜慮波羅蜜多種性相。



卯二、釋；辰一、愛樂遠離；巳一、處所遠離

謂諸菩薩，**1**性於法義能審思惟，無多散亂。³²若見若聞阿練若處、山巖、林藪、邊際臥具人不狎習離惡眾生，**隨順宴默**。³³便生是念：是處安樂，出離、遠離。³⁴**2**常於**出離**及**遠離**所深生愛慕。

³² 謂於諸法正審思慮，及於所緣繫念寂靜，性有堪能故。

³³ 謂若見聞人不狎習離惡眾生居遠離處，謂阿練若、山巖、林藪、邊際臥具。此遠離處順修遠離，是名「**隨順宴默**」。宴謂宴坐，默謂於彼心一境性修瑜伽行。

³⁴ 自他利品中說：正信捨家，趣於非家，解脫樊籠居家迫迮種種大苦，名「**出離樂**」。斷除諸欲惡不善法，證初靜慮離生喜樂，名「**遠離樂**」。（陵本三十五卷二十頁2894）其義應知。


子四、白法相應別

寅五、靜慮種性相

(5-3)

卯二、釋；辰一、愛樂遠離；巳二、煩惱遠離
性薄煩惱，諸蓋輕微，羸重羸弱。至遠離處，思量自義，³⁵心
不極為諸惡尋思之所纏擾。

³⁵ 謂三摩地所行境界，說名「自義」，是自內心所起相故。




子四、白法相應別

寅五、靜慮種性相

(5-4)

卯二、釋；辰二、慈愍眾生；巳一、慈俱行
於其怨品，尚能速疾安住慈心，況於親品及中庸品。

卯二、釋；辰二、慈愍眾生；巳二、悲俱行
若見若聞有苦眾生，為種種苦之所逼惱，起大悲心，於彼眾生隨能隨力方便拔濟，令離眾苦。於諸眾生，性自樂施利益安樂。




卯二、釋；辰三、安忍眾苦

親屬衰亡、喪失財寶、殺縛禁閉及驅擯等諸苦難中，悉能安忍。

卯二、釋；辰四、成就念力

其性聰敏，於法能受、能持、能思；成就念力，於久所作、所說事中，能自記憶，亦令他憶。³⁷

³⁷ 此顯於法聞思所集成念，能正修習瑜伽作意，是故說言「成就念力」。



卯一、徵

云何菩薩慧波羅蜜多種性相？

卯二、釋

謂諸菩薩成俱生慧，能入一切明處境界。38……

³⁸ 宿習資糧所集成慧，名「俱生慧」。此能悟入一切所知，普緣一切五明處轉。一、內明處，二、因明處，三、醫方明處，四、聲明處，五、工業明處。當知即是菩薩一切慧之自性。如慧品說。（陵本四十三卷五頁3492）此應準知。

卯二、釋

……性不頑鈍、性不微昧、性不愚癡。³⁹遍於彼彼離放逸處有力思擇。⁴⁰

卯三、結

如是等類，當知名為菩薩慧波羅蜜多種性相。

³⁹ 性是利根，名「不頑鈍」。能證所知障淨，名「不微昧」。能達諸法無我，名「不愚癡」。

⁴⁰ 謂生貴家，財寶具足，於諸妙欲耽著受用，名「放逸處」。思求出離，能見過患，是名「有力思擇」。


子四、白法相應別

丑三、結成勝因 (2-1)

應知是名能比菩薩種性麤相。決定實義，唯佛世尊究竟現見。由諸菩薩所有種性，性與如是功德相應，成就賢善諸白淨法。41.....

⁴¹ 謂菩薩種與六波羅蜜多功德相應，本性應爾、自性應爾、法性應爾，此即顯示「決定實義」。 成就身心澄淨諸賢善行，及與施等諸白淨法，此即顯示「種性麤相」。

子四、白法相應別



丑三、結成勝因 (2-2)

……是故能與難得最勝不可思議無動無上如來果位為證得因，應正道理，餘不應理。⁴²

⁴²如來果位，要經三無量劫長時積集資糧，方能證得，是名難得。超過一切聲聞、獨覺，是名最勝。由五種相及二因緣，當知說名不可思議。由五種相不可思議者，一、由自性故；二、由處故；三、由住故；四、由一性異性故；五、由成所作故。由二因緣不可思議者，謂離言說義故，及過語言道故，不可思議。又出世間故，無有世間能為譬喻，是故不可思議。義如決擇分說。（陵本七十四卷九頁 5701）摧伏一切外道異論，不為外道異論之所摧伏，是名無動。於所知障得清淨故，是名無上。此唯菩薩種性堪能證得，是故說彼為證得因。所餘聲聞、獨覺種性無此堪能，為證得因不應道理。

子五、有染無染別

(4-1)

丑一、無染位

種性菩薩，乃至未為**白法相違四隨煩惱**若具不具之所染汙，性與如是白法相應。

丑二、有染位；寅一、染果；卯一、標差別

若被染汙，如是**白法皆不顯現**，或於一時生諸惡趣。菩薩雖生諸惡趣中，由種性力，應知與餘生惡趣者有大差別。

子五、有染無染別 (4-2)

丑二、有染位；寅一、染果；卯二、釋彼相

謂彼菩薩久處生死，或時時間生諸惡趣，**1** 雖暫生彼，速能解脫；**2** 雖在惡趣，而不受於猛利苦受，如餘有情生惡趣者；**3** 雖觸微苦，而能發生增上厭離，**4** 於生惡趣受苦有情，深起悲心。

丑二、有染位；寅一、染果；卯三、結所由

如是等事，皆由種性佛大悲因之所熏發，是故當知，種性菩薩雖生惡趣，然與其餘生惡趣者有大差別。

子五、有染無染別 (4-3)

丑二、有染位；寅二、染因；卯一、徵
何等名為種性菩薩**白法相違四隨煩惱**？

丑二、有染位；寅二、染因；卯二、釋；辰一、第一隨煩惱
謂**放逸者**，由先串習諸煩惱故，性成猛利、長時煩惱，是名
第一隨煩惱性。

丑二、有染位；寅二、染因；卯二、釋；辰二、第二隨煩惱
又**愚癡者、不善巧者**，依附惡友，是名第二隨煩惱性。⁴⁴

⁴⁴ 此中煩惱，謂諸惡見應知。由諸外道起如是見，立如是論：
「無有施與」廣說乃至「我自了知無諸後有」。隨彼惡見，
起邪解行故。

子五、有染無染別 (4-4)

丑二、有染位；寅二、染因；卯二、釋；辰三、第三隨煩惱又為尊長、夫主、王賊及怨敵等所拘逼者，不得自在，其心迷亂，是名第三隨煩惱性。46

丑二、有染位；寅二、染因；卯二、釋；辰四、第四隨煩惱又資生具有匱乏者，顧戀身命，是名第四隨煩惱性。47

⁴⁶ 此中煩惱，謂即散亂。意地決擇※中說：由散亂所作，意根損壞故。（陵本五十四卷二十一頁4380）※「意地決擇」，披尋記原作「意地」。※披尋記原無此出處。

⁴⁷ 此中煩惱，謂即拘礙。五拘礙中，說有顧戀其身故。由此能障證出世法，故名拘礙。如有尋有伺地說。（陵本八卷七頁574）



子六、有障無障別 (4-1)

丑一、有障位；寅一、標

又諸菩薩雖具種性，由**四因緣**，不能速證阿耨多羅三藐三菩提。

丑一、有障位；寅二、徵

何等為四？

丑一、有障位；寅三、釋；卯一、第一因緣

謂諸菩薩，先未值遇諸佛菩薩真善知識，為說菩提無顛倒道。如是名為第一因緣。

子六、有障無障別 (4-2)

丑一、有障位；寅三、釋；卯二、第二因緣

又諸菩薩，雖遇善友為說正道，而顛倒執，於諸菩薩正所學中顛倒修學。如是名為第二因緣。

丑一、有障位；寅三、釋；卯三、第三因緣

又諸菩薩，雖遇善友為說正道，於諸菩薩正所學中無倒修學，而於加行方便慢緩、懈怠、懶惰，不成勇猛、熾然精進。如是名為第三因緣。

子六、有障無障別 (4-3)

丑一、有障位；寅三、釋；卯四、第四因緣

又諸菩薩，雖遇善友為說正道，於諸菩薩正所學中無倒修學，亦於加行勇猛精進，然諸善根猶未成熟，菩提資糧未得圓滿，未於長時積習所有菩提分法。如是名為第四因緣。

丑一、有障位；寅四、結

如是菩薩雖有種性，因緣闕故，不能速證無上菩提。


子六、有障無障別 (4-4)

丑二、無障位；寅一、顯自種性
若具因緣，便能速證。

丑二、無障位；寅二、簡無種性

若無種性補特伽羅，雖有一切，一切一切種，當知決定不證菩提。49

49 此中初一切言，謂即前說四種因緣。次一切言，謂無種性一切有情。後一切言，謂無種性有情生於諸界趣中，有多種類差別可得，名一切種。由是假說無種性補特伽羅，縱具一切因緣，然彼一切有情，於彼彼一切種類，當知決定不證菩提。緣起經說：云何為生？謂彼彼有情，於彼彼有情類諸生、等生，乃至廣說。今此一切一切種，準彼應釋。



壬二、別顯「持」義

持

種性

發心

菩提分法


子一、辨相

子二、明業

子三、辨類

丑一、具明二種

永出、不永出



丑一、別辨五種

丑一、別辨四義

寅一、出其差別

寅二、顯緣因力



丑二、廣不退相

五相

子一、辨相

丑一、別辨五種

寅一、自性

復次，菩薩**最初發心**，於諸菩薩所有正願是**初正願**，普能攝受其餘正願，是故發心以初正願為其自性。50

⁵⁰ 發心有二，一、世俗發心，二、證法性發心。此中且說世俗發心，謂如有一，隨智者前恭敬而住，起增上意，發誓願故。如顯揚論說。（顯揚論二卷十九頁31,490c）此於菩薩五正願中，依順次數，說名為初。何等為五？謂發心願、受生願、所行願、正願、大願，是名菩薩所有正願。如下菩提分品中說。（陵本四十五卷十六頁3657）

子一、辨相

丑一、別辨五種

寅二、行相

又諸菩薩起正願心求菩提時，發如是心，說如是言：願我決定當證無上正等菩提，⁵¹能作有情一切義利，⁵²畢竟安處究竟涅槃及以如來廣大智中。⁵³如是發心，定自希求無上菩提，及求能作有情義利，是故發心以定希求為其行相。

⁵¹ 無上正等菩提者：菩提品中有三差別，如彼應釋。（陵本三十八卷一頁3097）

⁵² 謂諸如來利益安樂無量眾生，哀愍世間，令諸天人獲得義利利益安樂，正行最勝故。此中有情，唯說天人，彼有勢力能了其義修正行故。

⁵³ 究竟涅槃及以如來廣大智者：謂斷菩提及智菩提。如菩提品釋應知。（陵本三十八卷一頁3097）

子一、辨相

丑一、別辨五種

寅三、所緣

又諸菩薩緣大菩提，及緣有情一切義利，發心希求，非無所緣，是故發心以大菩提及諸有情一切義利為所緣境。

子一、辨相

丑一、別辨五種

寅四、功德

又諸菩薩最初發心，能攝一切菩提分法殊勝善根為上首故，是善、極善，是賢、極賢，是妙、極妙，能違一切有情處所三業惡行功德相應。56

⁵⁶ 殊勝善根為上首故等者：增上義是根義。能除雜染及證清淨，是名善根。此復有五，謂信、勤、念、定、慧。超餘一切聲聞、獨覺，名為殊勝。性多攝受善法朋侶，身心澄淨，

pín cù

是名為善。遠離顰蹙，舒顏平視，含笑先言，常為愛語，是名為賢。成就尸羅，是名為妙。如是後後展轉增勝，證得究竟，是名極善、極賢、極妙。如是總顯能違一切有情處所三業惡行功德圓滿，有此發心，即有此功德；有此功德，即能違逆三業惡行令不現行；由是故名功德相應。

子一、辨相

丑一、別辨五種

寅五、最勝

又諸菩薩最初發心所起正願，於餘一切希求世間、出世間義妙善正願，最為第一，最為無上。⁵⁷

⁵⁷ 共諸世間善圓滿故，名最第一。 於所知障得清淨故，名最無上。如攝異門分釋應知。（陵本八十三卷四頁6285）

子一、辨相

丑二、結顯略義

如是應知最初發心有五種相。一者、自性，二者、行相，三者、所緣，四者、功德，五者、最勝。



子二、明業

丑一、別辨四義

寅一、是趣入攝

又諸菩薩初發心已，即名趣入無上菩提，預在大乘諸菩薩數。此據世俗言說道理，是故發心趣入所攝。58

58 預在大乘諸菩薩數等者：謂初發心，即名趣入；墮在大乘名數，然非真實諸菩薩攝。如發心時，起增上意，發誓願言：「我如是名，從今日始，發阿耨多羅三藐三菩提心，乃至我是菩薩」第二、第三亦復如是。由是宣說此據世俗言說道理。

子二、明業

丑一、別辨四義

寅二、菩提根本

又諸菩薩要發心已，方能漸次速證無上正等菩提，非未發心，是故發心能為無上菩提根本。

寅三、大悲等流

又諸菩薩悲愍一切有苦眾生，⁵⁹為欲濟拔，發菩提心，是故發心是悲等流。

⁵⁹ 一切有苦眾生者：此約勝義，說諸三界有情皆有生死可得，是名有苦，為諸行苦所隨逐故。

寅四、學所依止

又諸菩薩以初發心為所依止、為建立故，⁶⁰普於一切菩提分法及作一切有情義利菩薩學中皆能修學，是故發心是諸菩薩學所依止。

⁶⁰ 為所依止為建立者：如說大種，於所造色為五種因，謂生、依、立、持、養。云何依因？謂由造色生已，不離大種處而轉故。云何立因？謂由大種損益，彼同安危故。今初發心，望菩薩學為所依止及為建立，義亦如是。謂菩薩學不離發心而修學故，名所依止。及由發心捨與不捨，菩薩學損減、增上，名為建立。

子二、明業


丑二、結顯略義

如是應知最初發心是趣入攝、菩提根本、大悲等流、學所依止。



子三、辨類

發心



永出

不永出

發心退

究竟 (退)

不究竟 (退)

四緣、四因、四力



不退相 (八相)

無動

自力、因力

有動

他力、加行力

子三、辨類

丑一、具明二種

寅一、出其差別

卯一、總舉；辰一、標名

又諸菩薩最初發心略有二種。一者、永出，二、不永出。⁶¹

⁶¹ 永出不永出者：謂此發心不墮世間，求出世間，故名為出。
自發心已，究竟不捨，名為永出。與此相違，名不永出。

子三、辨類


丑一、具明二種

寅一、出其差別

卯一、總舉；辰二、釋義

言永出者，謂發心已畢竟隨轉，無復退還。⁶²不永出者，謂發心已不極隨轉，而復退還。

⁶² 謂所發心最初剎那，名之為轉。相續剎那無變異故，名為隨轉。若發心已，還復棄捨，名為退還，退墮法故。



子三、辨類

丑一、具明二種

寅一、出其差別

卯二、別廣；辰一、標名


此發心退復有二種。一者、究竟，二、不究竟。

卯二、別廣；辰二、釋義

究竟退者，謂一退已，不能復發求菩提心。⁶³不究竟者，謂退已後，數數更發求菩提心。⁶⁴

⁶³ 謂有聲聞、獨覺決定種性者，雖復發心求大菩提，然定不能當證大果，終當棄捨大菩提心，還於自乘而般涅槃。如是種類，名究竟退。

⁶⁴ 退已數數更求發菩提心者：謂唯大乘種性補特伽羅，由種性力，若遇勝緣，雖發心退，然能數數更發心故。



子三、辨類


丑一、具明二種

寅二、顯緣因力

卯一、明初發心；辰一、總標

當知菩薩最初發心，由四種緣、四因、四力。⁶⁵

⁶⁵ 四緣四因四力者：建立義是緣義，順益義是因義。如有尋有伺地說。（陵本五卷十二頁 368）即於如是諸因緣中，若令發心堅固不動，有勝堪能，不可屈伏，即此因緣轉名為力。



四緣、四因、四力

四緣

未一、由見神變

未二、由聞說法

未三、由住持法

未四、由見難得

四因

申一、種性具足

申二、善友攝受

申三、多起悲心

申四、無諸怯畏


四力

未一、自力

未二、他力

未三、因力

未四、加行力



子三、辨類

丑一、具明二種

寅二、顯緣因力

卯一、明初發心；辰二、別釋；巳一、四緣；午一、徵
云何四緣？

……巳一、四緣；午二、釋；未一、由見神變

謂善男子或善女人，若見諸佛及諸菩薩，有不思議甚奇希有神變威力，⁶⁶或從可信聞如是事。……

⁶⁶ 神變有三種，謂神境神變、記說神變、教誡神變。如威力品釋。（陵本三十七卷十九頁3073）如是神變由成所作，名不思議。決擇分說：謂如是如是如來，同界、同智、勢力、勇猛，住無漏界，依此轉依，能作一切有情義利，如是不可思議。（陵本七十四卷十頁5704）依定自在，隨其所欲一切事成，勝於其餘、勝諸世間同意所許，故名甚奇希有。

子三、辨類

丑一、具明二種

寅二、顯緣因力

……巳一、四緣；午二、釋；未一、由見神變

……既見聞已，便作是念：無上菩提具大威德，令安住者及修行者，⁶⁷成就如是所見所聞不可思議神變威力。由此見聞增上力故，於大菩提深生信解，因斯發起大菩提心。是名第一初發心緣。

⁶⁷ 令安住者及修行者者：此說諸佛得定自在。心調柔故，名安住者。善修心故，名修行者。



子三、辨類

丑一、具明二種

寅二、顯緣因力

……巳一、四緣；午二、釋；未二、由聞說法

或有一類，雖不見聞如前所說神變威力，而聞宣說依於無上正等菩提微妙正法菩薩藏教，⁶⁸聞已深信；⁶⁹由聞正法及與深信增上力故，於如來智深生信解，為得如來微妙智故，發菩提心。是名第二初發心緣。

⁶⁸ 謂於十二分教中方廣一分，唯菩薩藏。即於是中，宣說一切諸菩薩道，為令修證阿耨多羅三藐三菩提、十力、無畏、無障智等一切功德，是名無上菩提微妙正法。

⁶⁹ 聞已深信者：謂諸菩薩具多勝解，於真實義勝解依處，具足成就淨信為先決定喜樂。如力種性品說。（陵本三十八卷七頁3118）



子三、辨類

丑一、具明二種

寅二、顯緣因力

……巳一、四緣；午二、釋；未三、由住持法

或有一類，雖不聽聞如上正法，而見一切菩薩藏法將欲滅沒。70……

⁷⁰ 謂十二分教方廣一分，及所餘分菩薩藏攝者，是名一切菩薩藏法。若諸有情世間由見濁故，有情多分造立眾多像似正法，虛妄推求邪法邪義，故說正法將欲滅沒。

子三、辨類

丑一、具明二種

寅二、顯緣因力

……巳一、四緣；午二、釋；未三、由住持法

……見是事已，便作是念：菩薩藏法久住於世，能滅無量眾生大苦，⁷¹我應住持菩薩藏法，發菩提心，為滅無量眾生大苦。由為護持菩薩藏法增上力故，於如來智深生信解，為得如來微妙智故，發菩提心。是名第三初發心緣。

⁷¹ 謂如能斷金剛般若經說：若胎生、若卵生、若濕生、若化生、若有色、若無色、若有想、若無想、若非有想非無想，如是一切，我皆令入無餘涅槃而滅度之。此說菩薩要依菩薩藏法，得微妙智，方能成辦如是不思議事，是故說言能滅無量眾生大苦。



子三、辨類

丑一、具明二種

寅二、顯緣因力

……巳一、四緣；午二、釋；未四、由見難得

或有一類，雖不觀見正法欲滅，而於末劫、末世、末時，⁷²見諸濁惡⁷³……

⁷² 謂於爾時正法欲隱，是名末時。於是時中，為顯諸行生滅三世差別，是名末世。若復為顯彼時久遠，假設譬喻計算數量差別，是名末劫。當知此中，時是總稱，世是其位，劫是其數，如是差別。

⁷³ 諸濁惡者：略有五種。一者、壽濁，二者、有情濁，三者、煩惱濁，四者、見濁，五者、劫濁。如菩提分品釋。（陵本四十四卷十八頁3599）於爾所時，一切有情多造惡業，多受惡果，故名為惡。

子三、辨類

丑一、具明二種

寅二、顯緣因力

……巳一、四緣；午二、釋；未四、由見難得

……眾生身心，十隨煩惱之所惱亂。⁷⁴謂①多愚癡、②多無慚愧、③多諸慳嫉、④多諸憂苦、⑤多諸麤重、⑥多諸煩惱、⑦多諸惡行、⑧多諸放逸、⑨多諸懈怠、⑩多諸不信。⁷⁵……

⁷⁴ 謂諸眾生身心為隨煩惱之所惱亂有其十相，非謂十種隨煩惱也。又復隨煩惱名，通說一切本、隨煩惱。集論中說：謂所有諸煩惱，皆是隨煩惱。（集論四卷十二頁31,677b）又煩惱差別有其多種，倒染心故，名隨煩惱。如有尋有伺地釋。

（陵本八卷六頁564）

子三、辨類

丑一、具明二種

寅二、顯緣因力

……巳一、四緣；午二、釋；未四、由見難得

……

75 ①癡不善根愚所知事，故名愚癡。②於所作罪，望己不羞，望他不恥，名無慚愧。③於資生具深懷鄙吝，故名為慳。心懷染汙，不喜他榮，故名為嫉。④由可愛事若變壞時，內懷冤結，故名為憂。因此拊膺，故名為苦。⑤身心剛彊，不安隱性、無堪能性，故名麤重。此有十八品類差別，如決擇分說。（陵本五十九卷二頁 4787）⑥能令身心不寂靜轉，故名煩惱。⑦由非法行、不平等行現在前故，故名惡行。⑧不修諸善，不護諸惡，故名放逸。⑨耽著睡眠，偃臥為樂，晝夜唐捐，捨眾善品，故名懈怠。⑩於佛法僧心不清淨，於四聖諦生不順解，故名不信。

子三、辨類

丑一、具明二種

寅二、顯緣因力

……巳一、四緣；午二、釋；未四、由見難得

……見是事已，便作是念：大濁惡世，於今正起諸隨煩惱所惱亂時，能發下劣聲聞、獨覺菩提心者，尚難可得，況於無上正等菩提能發心者。我當應發大菩提心，令此惡世無量有情，隨學於我起菩提願。由見末劫難得發心增上力故，於大菩提深生信解，因斯發起大菩提心。是名第四初發心緣。



子三、辨類

丑一、具明二種

寅二、顯緣因力

卯一、明初發心；辰二、別釋；巳二、四因；午一、徵云何四因？

……巳二、四因；午二、釋；未一、略標

謂諸菩薩**種性具足**，是名第一初發心因。

又諸菩薩賴佛菩薩**善友攝受**，是名第二初發心因。

又諸菩薩於諸眾生**多起悲心**，是名第三初發心因。

又諸菩薩於 極長時.種種.猛利.無間.無闕.生死大苦.難行苦行 無有怯畏，是名第四初發心因。



子三、辨類

丑一、具明二種

寅二、顯緣因力

……巳二、四因；午二、釋；未二、別辨；申一、種性具足若諸菩薩六處殊勝（見註腳 6），從無始世展轉傳來，法爾所得，當知是名種性具足。

……巳二、四因…申二、善友攝受；酉一、總標由四種相，當知菩薩善友具足。

子三、辨類

丑一、具明二種

寅二、顯緣因力

……巳二、四因…申二、善友攝受；酉二、別釋
戌一、第一善友具足

謂諸菩薩所遇善友，性不愚鈍，聰明黠慧，不墮惡見，⁷⁶是名第一善友具足。

⁷⁶ 不愚諸法，性是利根，名不愚鈍。由與俱生、引發二慧相應，名為聰明。了知諸法自相及分別體，是名黠慧。於實無事，不如一類起增益執；於實有事，不如一類起損減執；是名不墮惡見。

子三、辨類

丑一、具明二種

寅二、顯緣因力

……巳二、四因…申二、善友攝受；酉二、別釋
戌二、第二善友具足

又諸菩薩所遇善友，終不教人行於放逸，亦不授與諸放逸具，⁷⁷是名第二善友具足。

⁷⁷ 謂如諸受欲者，樂受諸欲而無喜足，名行放逸。精妙飲食及餘資身眾具，名放逸具。

子三、辨類

丑一、具明二種

寅二、顯緣因力

……巳二、四因…申二、善友攝受；酉二、別釋
戌三、第三善友具足

又諸菩薩所遇善友，終不教人行於惡行，亦不授與諸惡行具，⁷⁸是名第三善友具足。

⁷⁸ 墮惡趣行，名為惡行。毒、火、刀、酒等物，名惡行具。

子三、辨類

丑一、具明二種

寅二、顯緣因力

……巳二、四因…申二、善友攝受；酉二、別釋
戌四、第四善友具足

又諸菩薩所遇善友，終不勸捨增上信、欲、受學、精進、方便功德，而復勸修下劣信、欲、受學、精進、方便功德。所謂終不勸捨大乘，勸修二乘；勸捨修慧，勸修思慧；勸捨思慧，勸修聞慧；勸捨聞慧，勸修福業；勸捨尸羅，勸修惠施。終不勸捨如是等類增上功德，而復勸修如是等類下劣功德，是名第四善友具足。⁸⁰

⁸⁰ 此中信、欲、精進、方便，即四瑜伽。如聲聞地釋。（陵本二十八卷九頁2354）受學，謂於一切所應學處。望義差別，或說增上，或說下劣，隨應當知。



子三、辨類

丑一、具明二種

寅二、顯緣因力

……巳二、四因；午二、釋；未二、別辨；申三、多起悲心
酉一、總標

由四因緣，當知菩薩於諸眾生多起悲心。81

81 於諸眾生多起悲心者：此說菩薩於諸有苦眾生，多分能起拔苦增上意樂故。

子三、辨類

丑一、具明二種

寅二、顯緣因力

……巳二、四因；午二、釋；未二、別辨；申三、多起悲心
酉二、別釋；戌一、由見眾苦

謂諸菩薩，雖有十方無量無邊無苦世界，而生有苦諸世界中。於中恆有眾苦可得，⁸²非無眾苦。**1**或時見他隨遭一苦⁸³觸對逼切……

⁸² 謂有八苦，名為眾苦。即生苦、老苦、病苦、死苦、怨憎會苦、愛別離苦、求不得苦、五取蘊苦。如決擇分釋。（陵本六十一卷十四頁4933）

⁸³ 隨遭一苦者：謂於八苦中除生死苦、五取蘊苦，所餘隨一故。

子三、辨類

丑一、具明二種

寅二、顯緣因力

……巳二、四因；午二、釋；未二、別辨；申三、多起悲心
酉二、別釋；戌一、由見眾苦

……**2**或時見自隨遭一苦觸對逼切，**3**或見自他隨遭一苦觸對逼切，**4**或見二種俱遭長時種種猛利無間大苦⁸⁴觸對逼切。

⁸⁴ 見自及他，名見二種。於八苦中，生、死二苦，名為大苦。五取蘊苦，亦名大苦，諸苦器故，行苦性故。如是大苦，無始流轉，故名長時。遍五趣有，故名種種。馳趣無礙，故名猛利。流轉相續，故名無間。

子三、辨類

丑一、具明二種

寅二、顯緣因力

……巳二、四因；午二、釋；未二、別辨；申三、多起悲心
酉二、別釋；戌二、由性仁賢
然此菩薩依自種性，性自仁賢。⁸⁵依四境處，⁸⁶雖不串習，而能發起下中上悲，無有斷絕。

⁸⁵ 不以刀杖手塊等事惱害有情，於諸眾生性常慈愛，是名為仁。 遠離鬻蹙等，是名為賢。

⁸⁶ 依四境處者：謂如前說，見他、見自、或見自他、或見二種所遭苦事，能為所緣，生起悲心，故名境處。



子三、辨類

丑一、具明二種

寅二、顯緣因力

……巳二、四因；午二、釋；未二、別辨；申四、無諸怯畏
酉一、總標

由四因緣，當知菩薩於諸眾生先起悲心，於極長時種種猛利無間無闕生死大苦⁸⁷難行苦行⁸⁸尚無怯畏，何況小苦。

⁸⁷ 此中無闕，謂諸菩薩依受生願，往生隨順饒益有情諸善趣中，下從欲界人中，上至色究竟天遍受生故。

⁸⁸ 難行苦行者：謂諸菩薩波羅蜜多及四攝事，各有三種難行之相，是名難行，如下廣釋。又諸菩薩為求菩提，心能忍受一切事苦。此有八別，一、依止處苦，二、世法處苦，三、威儀處苦，四、攝法處苦，五、乞行處苦，六、勤劬處苦，七、利他處苦，八、所作處苦。如忍品釋。（陵本四十二卷八頁3440）

子三、辨類

丑一、具明二種

寅二、顯緣因力

……巳二、四因；午二、釋；未二、別辨；申四、無諸怯畏
酉二、別釋；戌一、第一因緣

謂諸菩薩性自勇健，堪忍有力，⁸⁹當知是名第一因緣。

⁸⁹ 於難行事勇決樂為，不生懈怠，是名勇健。 眾苦現前，思擇忍受，是名堪忍。 心無怯弱，亦無畏憚，故名有力。

子三、辨類

丑一、具明二種

寅二、顯緣因力

……巳二、四因；午二、釋；未二、別辨；申四、無諸怯畏
酉二、別釋；戌二、第二因緣

又諸菩薩性自聰敏，能正思惟，具思擇力，⁹⁰當知是名第二因緣。

⁹⁰ 成俱生慧，名性聰敏。能入一切明處境界，是名能正思惟。
遍於彼彼離放逸處有力思擇，是名具思擇力。

子三、辨類

丑一、具明二種

寅二、顯緣因力

……巳二、四因；午二、釋；未二、別辨；申四、無諸怯畏
酉二、別釋；戌三、第三因緣

又諸菩薩能於無上正等菩提成就上品清淨信解，⁹¹當知是名第三因緣。

⁹¹ 能於無上正等菩提成就上品清淨信解者：謂於無上正等菩提所應得義，成就淨信，具多勝解，謂「我堪任定當能得」故。如力種性品說。（陵本三十八卷七頁3119）

子三、辨類

丑一、具明二種

寅二、顯緣因力

……巳二、四因；午二、釋；未二、別辨；申四、無諸怯畏
酉二、別釋；戌四、第四因緣

又諸菩薩於諸眾生成就上品深心悲愍，⁹²當知是名第四因緣。

⁹² 於諸眾生成就上品深心悲愍者：謂若見聞有苦眾生，為種種苦之所逼惱，起大悲心，於彼眾生隨能隨力方便拔濟，令離眾苦故。



子三、辨類

丑一、具明二種

寅二、顯緣因力

卯一、明初發心；辰二、別釋；巳三、四力；午一、徵列云何四力？一者、自力，二者、他力，三者、因力，四者、加行力。⁹³

⁹³ 如四緣中除第一、二，及四因中除其第二，所餘緣因皆自力攝；即彼所除是他力攝。夙習相應，是名因力。現法修習，是加行力。

四緣

未一、由見神變
未二、由聞說法
未三、由住持法
未四、由見難得

四因

申一、種性具足
申二、善友攝受
申三、多起悲心
申四、無諸怯畏



子三、辨類

丑一、具明二種

寅二、顯緣因力

……巳三、四力；午二、隨釋；未一、第一初發心力

謂諸菩薩由**自功力**，能於無上正等菩提深生愛樂，是名第一初發心力。

……巳三、四力；午二、隨釋；未二、第二初發心力

又諸菩薩由**他功力**，能於無上正等菩提深生愛樂，是名第二初發心力。

……巳三、四力；午二、隨釋；未三、第三初發心力

又諸菩薩**宿習**大乘相應善法，**今暫得見諸佛菩薩**，或**暫得聞稱揚讚美**，即能速疾發菩提心，況覩神力、聞其正法，是名第三初發心力。

子三、辨類

丑一、具明二種

寅二、顯緣因力

……巳三、四力；午二、隨釋；未四、第四初發心力

又諸菩薩於現法中，親近善士，聽聞正法，諦思惟等，⁹⁵長時修習種種善法，⁹⁶由此加行發菩提心，是名第四初發心力。

⁹⁵ 善士即善友之異名。云何善友？云何親近？如供養親近無量品釋。（陵本四十四卷六頁3560）聽聞正法，諦思惟等，如力種性品釋。（陵本三十八卷十五頁3144）此中「等」言，等取於法正修應知。

⁹⁶ 長時修習種種善法者：謂由身語意積集諸善，有多差別，故名種種。如戒品釋。（陵本四十卷三頁3242）



子三、辨類

丑一、具明二種

寅二、顯緣因力

卯一、明初發心；辰三、料簡；巳一、無動

若諸菩薩依上總別四緣、四因，或由自力、或由因力、或總二力而發心者，當知此心堅固無動。⁹⁷

卯一、明初發心；辰三、料簡；巳二、有動

或由他力、或加行力、或總二力而發心者，當知此心不堅不固，亦非無動。

⁹⁷ 依上總別四緣四因乃至堅固無動者：謂發心時，四緣、四因，總略宣說，唯有爾所，是名為總。差別宣說，隨一所顯，是名為別。堅謂堅牢，不可摧伏故。固謂深固，不可傾拔故。言無動者，定趣大菩提故。

子三、辨類

丑一、具明二種

寅二、顯緣因力

卯二、令發心退；辰一、標
有四因緣能令菩薩退菩提心。

卯二、令發心退；辰二、徵
何等為四？

卯二、令發心退；辰三、列

一、種姓不具；二、惡友所攝；三、於諸眾生悲心微薄；
四、於極長時種種猛利無間無闕生死大苦難行苦行，其心極
生怯畏驚怖。

卯二、令發心退；辰四、例

如是四種心退因緣，與上發心四因相違，廣辯其相，如前應
知。

沿自

卯一、明初發心

丑二、廣不退相

寅一、由不共

寅二、由意樂

寅三、由加行

寅四、由善法

寅五、由勝利

巳一、守護無害

巳二、不感病苦

巳三、無不堪任



巳四、麤重輕微

巳五、呪句有驗

巳六、伏遣隨惑

巳七、現住安樂

巳八、厭苦生悲



子三、辨類

丑二、廣不退相




寅一、由不共

卯一、略標列

最初發心堅固菩薩，略有二種不共世間甚希奇法。⁹⁸何等為二？一者、攝諸眾生皆為眷屬，⁹⁹二者、攝眷屬過所不能染。

⁹⁸ 謂諸菩薩甚希奇法，不與一切餘有情共，是名不共世間。

⁹⁹ 攝諸眾生皆為眷屬者：此說菩薩頓普攝受。謂初發心，攝受一切諸有情界皆為眷屬故。如攝受品釋。（陵本四十八卷二十六頁3897）



卯二、隨難釋

攝眷屬過有其二種。謂於眷屬①饒益損減、②染汙違順。100
如是二事，菩薩皆無。

100 謂於眷屬饒益損減等者：①由諸菩薩得清淨忍，於諸眾生恆常現前欲作饒益先後無異，非一益已損而不益。他則不爾，雖於眷屬或時饒益，或復損減，是名第一攝眷屬過。②又若菩薩如法御眾，方便饒益，以無染心先與依止，以憐愍心現作饒益，不於徒眾或順、或違起染汙心，或益不益。他則不爾，非於一切眷屬起利益俱平等之心，故於一切違順非不令有染汙，是名第二攝眷屬過。

子三、辨類




丑二、廣不退相

寅二、由意樂

卯一、標列

最初發心堅固菩薩，於諸眾生發起**二種善勝意樂**。101一者、利益意樂，二者、安樂意樂。

101 七相憐愍，名善意樂。即此增上有十五種，名勝意樂。如增上意樂品說。（陵本四十七卷九頁3760）今於此中唯說二種，略攝彼相應知。



卯二、隨釋

利益意樂者，謂欲從彼諸不善處，拔濟眾生，安置善處。**安樂意樂者**，謂於貧匱無依無怙諸眾生所，離染汙心，欲與種種饒益樂具。102

¹⁰² 利益意樂安樂意樂等者：利益安樂有多種類，如自他利品釋。（陵本三十五卷十八頁2888）此中安置善處，唯說利益種類無有罪相。及於貧匱無依無怙，唯說安樂種類苦對治樂。言貧匱者，謂無資具。言無依者，謂無眷屬。言無怙者，謂無救護。菩薩於此有苦諸眾生所，能正施與資身眾具而作饒益，令息眾苦，是名樂具。

子三、辨類

丑二、廣不退相

寅三、由加行

卯一、標列

最初發心堅固菩薩，有二加行。一、意樂加行，二、正行加行。

卯二、隨釋

意樂加行者，謂即利益安樂意樂日夜增長。**正行加行者**，謂 **A**於日夜能自成熟佛法加行，¹⁰³及 **B**於眾生隨能隨力，依前所說意樂加行，起與利益安樂加行。

¹⁰³ 能自成熟佛法加行者：謂於六波羅蜜多，於福德、智慧資糧，於一切菩提分法，精勤修學，是名加行。此加行滿，無間能證煩惱障斷、所知障斷，是名成熟。此有三喻，如成熟品說。（陵本三十七卷十九頁3075）

子三、辨類

丑二、廣不退相

寅四、由善法

卯一、出種類；辰一、舉增長門

最初發心堅固菩薩，有二增長大善法門。¹⁰⁴一者、自利加行，能證無上正等菩提；二者、利他加行，能脫一切有情眾苦。

¹⁰⁴ 謂於無上菩提所攝一切善法，名大善法。由自、他利二種加行，能令善法增長廣大，故名為門。由令趣入，是門義故。

子三、辨類

丑二、廣不退相

寅四、由善法

卯一、出種類；辰二、例餘二種

如二增長大善法門，如是二種大善法聚、二種無量大善法藏，¹⁰⁵當知亦爾。

¹⁰⁵ 大善法聚及大善法藏者：積聚資糧義，是此「聚」義。攝受所學義，是此「藏」義。

子三、辨類

丑二、廣不退相

寅四、由善法

卯二、顯殊勝；辰一、標列

最初發心堅固菩薩，由初發心求菩提故，所攝善法，比餘一切所攝善法，有二種勝。一者、因勝，二者、果勝。

卯二、顯殊勝；辰二、釋成

謂諸菩薩所攝善法，皆是無上正等菩提能證因故，所證無上正等菩提是此果故，比餘一切聲聞、獨覺所攝善法尚為殊勝，何況比餘一切有情所攝善法。是故菩薩所攝善法，比餘一切所攝善法，因果俱勝。106

¹⁰⁶ 因勝果勝者：善法即因，由能證故。善法圓滿，轉名為果，是所證故。當知因果，唯假施設，由此宣說有二種勝。

丑二、廣不退相	巳一、守護無害
寅一、由不共	巳二、不感痛苦
寅二、由惡樂	巳三、無不堪任
寅三、由加行	巳四、羸重輕微
寅四、由善法	巳五、呪句有驗
寅五、由勝利	巳六、伏違隨惑
	巳七、現住安樂
	巳八、願苦生悲

子三、辨類

丑二、廣不退相




寅五、由勝利

卯一、總標列

最初發心堅固菩薩，略有二種發心勝利。一者、初發菩提心已，即是眾生尊重福田，¹⁰⁷一切眾生皆應供養；亦作一切眾生父母。¹⁰⁸二者、初發菩提心已，即能攝受無惱害福。

¹⁰⁷ 即是眾生尊重福田者：謂諸眾生於此菩薩宜應尊重，生最勝福故。

¹⁰⁸ 亦作一切眾生父母者：由彼菩薩於諸有情深心發起一子愛俱平等之心，依此義說亦作一切眾生父母。



子三、辨類

丑二、廣不退相

寅五、由勝利

卯二、隨難釋；辰一、辨；巳一、守護無害

由此菩薩成就如是無惱害福，得倍輪王護所守護；¹⁰⁹由得如是護所護故，若寢、若寤、若迷悶等，一切魍魎、藥叉、宅神、人非人等不能僥害。

¹⁰⁹ 得倍輪王護所守護者：由於輪王生於人中，福德最勝，由如是福所攝持故，得輪王護之所守護。如是守護唯輪王有，名輪王護。菩薩發心，世所珍敬，為諸天人尊重讚歎，故能成就無惱害福。倍勝輪王所得守護，是故說言倍輪王護。

丑二、廣不退相	巳一、守護無害
寅一、由不共	巳二、不感病苦
寅二、由慈樂	巳三、無不堪任
寅三、由加行	巳四、龜重輕微
寅四、由善法	巳五、呪句有驗
寅五、由勝利	巳六、伏違隨惑
	巳七、現住安樂
	巳八、厭苦生悲

子三、辨類

丑二、廣不退相

寅五、由勝利

卯二、隨難釋；辰一、辨；巳二、不感病苦

又此菩薩轉受餘生，由如是福所攝持故，少病、無病，不為長時重病所觸。110

110 少病無病不為長時重病所觸者：此說發心菩薩，法爾感得大力具足，有大堪能故。

丑二、廣不退相	巳一、守護無害
寅一、由不共	巳二、不感病苦
寅二、由意樂	巳三、無不堪任
寅三、由加行	巳四、盡重輕微
寅四、由善法	巳五、脫句有驗
寅五、由勝利	巳六、伏違隨感
	巳七、現住安樂
	巳八、厭苦生悲

子三、辨類

丑二、廣不退相

寅五、由勝利

卯二、隨難釋；辰一、辨；巳三、無不堪任

於諸眾生所作義利，能以身語勇猛而作。常為眾生宣說正法，身無極倦，念無忘失，心無勞損。

卯二、隨難釋；辰一、辨；巳四、麤重輕微

菩薩本性住種性時，一切麤重性自微薄；既發心已，所有麤重轉復輕微。謂身麤重及心麤重。¹¹¹

¹¹¹ 謂身麤重及心麤重者：謂無堪能不調柔相，是麤重相。此復有五，一、沈重相，二、剛彊相，三、障礙相，四、怯劣相，五、不自在轉無堪能相。如決擇分說。（陵本六十四卷十六頁5133）此中麤重，謂彼種子。身無堪能不調柔性，名身麤重；心無堪能不調柔性，名心麤重。

子三、辨類

丑二、廣不退相

寅五、由勝利

卯二、隨難釋；辰一、辨；巳五、呪句有驗

若餘眾生為欲息滅疾疫災橫，所用無驗呪句、明句，¹¹²菩薩用之尚令有驗，何況驗者。

¹¹² 呪句明句者：謂餘眾生所用除災章句，有此二別。簡非菩薩，名餘眾生。持誦諸呪，是呪句攝。持吠陀論，是明句攝。發心菩薩用此章句，悉令神驗，無不驗者。菩提分品中說：謂諸菩薩獲得如是等持自在，由此自在加被能除有情災患諸呪章句，令彼章句悉皆神驗，乃至廣說。（陵本四十五卷十五頁3652）由此應知，諸呪章句唯是世間工巧明攝，是故此中說餘眾生。

丑二、廣不退相	巳一、守護無害
寅一、由不共	巳二、不感痛苦
寅二、由慈樂	巳三、無不堪任
寅三、由加行	巳四、嚴重輕微
寅四、由善法	巳五、呪句有驗
寅五、由勝利	巳六、伏攝隨惑
	巳七、現住安樂
	巳八、廣苦生悲

子三、辨類

丑二、廣不退相

寅五、由勝利

卯二、隨難釋；辰一、辨；巳六、伏遣隨惑

成就增上柔和忍辱，¹¹³ ①能忍他惱，不惱於他；②見他相惱，深生悲愍。……

¹¹³ 成就六種可愛樂法，易可共住，性不惱他，常令歡喜，是名柔和。 遍於怨、親、等諸有情所，堪忍怨害，是名忍辱。

子三、辨類

丑二、廣不退相

寅五、由勝利

卯二、隨難釋；辰一、辨；巳六、伏遣隨惑

……**3**忿、嫉、諂等諸隨煩惱，¹¹⁵皆能摧伏，令勢微薄；**4**或暫現行，速能除遣。

¹¹⁵ 忿嫉諂等諸隨煩惱等者：此約煩惱品類，名隨煩惱。忿、嫉是瞋品類。諂是邪見品類。等者，等取覆、惱、憍、害，隨其所應品類應知。約彼種子，說能摧伏。約彼現行，說能除遣。由諸菩薩成就柔和，性不惱他，能正對治忿、嫉、覆、惱等隨煩惱。又由成就忍辱，能忍他惱；依思擇力，能正對治諂隨煩惱；由生悲愍，能正對治害隨煩惱；依此故說能伏、能遣。……

丑二、廣不退相	巳一、守護無害
寅一、由不共	巳二、不感痛苦
寅二、由慈樂	巳三、無不堪任
寅三、由加行	巳四、盡重輕微
寅四、由善法	巳五、脫句有驗
寅五、由勝利	巳六、伏遣隨惑
	巳七、現住安樂
	巳八、厭苦生悲

子三、辨類

丑二、廣不退相

寅五、由勝利

卯二、隨難釋；辰一、辨；巳六、伏遣隨惑

……**3**忿、嫉、諂等諸隨煩惱，¹¹⁵皆能摧伏，令勢微薄；**4**或暫現行，速能除遣。

¹¹⁵ ……攝事分說：若瞋恚纏，能令面貌慘裂憤發，說名為忿。心不正直、不明、不顯，解行邪曲，故名為諂。隱藏眾惡，故名為覆。心懷染汙，不喜他榮，故名為嫉。（陵本八十九卷七頁6738）逼惱有情，無悲、無愍、無哀、無憐、無惻，是名為害。如顯揚說。（顯揚論一卷八頁31,482b）

丑二、廣不退相	巳一、守護無害
寅一、由不共	巳二、不感痛苦
寅二、由感樂	巳三、無不堪任
寅三、由加行	巳四、嚴重輕微
寅四、由善法	巳五、脫句有驗
寅五、由勝利	巳六、伏遣隨惑
	巳七、現住安樂
	巳八、厭苦生悲

子三、辨類

丑二、廣不退相

寅五、由勝利

卯二、隨難釋；辰一、辨；巳七、現住安樂

隨所居止國土城邑，於中所有恐怖、鬥諍、饑饉過失，非人所作疾疫災橫，**未起不起**，¹¹⁶**設起尋滅**。

¹¹⁶ 恐怖鬥諍饑饉及諸疾疫災橫未起不起等者：此說菩薩與他增上果。有尋有伺地說：猶如如來所住國邑，必無疾疫災橫等起。佛神力故，無量眾生無疾、無疫、無有災橫，得安樂住。（陵本九卷三頁645）此中道理，當知亦爾。

丑二、廣不退相	巳一、守護無害
寅一、由不共	巳二、不感痛苦
寅二、由息樂	巳三、無不堪任
寅三、由加行	巳四、難重輕微
寅四、由勝法	巳五、呪句有驗
寅五、由勝利	巳六、伏違隨感
	巳七、現住安樂
	巳八、厭苦生悲

子三、辨類

丑二、廣不退相

寅五、由勝利

卯二、隨難釋；辰一、辨；巳八、厭苦生悲

又此最初發心菩薩，**1**或於一時生極惡趣那落迦中，多分於此那落迦趣速得解脫。**2**受小苦受，生大厭離；**3**於彼受苦諸眾生等，起大悲心。¹¹⁷

¹¹⁷ 生極惡趣乃至起大悲心者：此所說相，種性位中，未為諸隨煩惱所染汙時，尚得相應，何況發心。




子三、辨類

丑二、廣不退相

寅五、由勝利

卯二、隨難釋；辰二、結

如是一切皆因攝受無惱害福。最初發心堅固菩薩，由能攝受無惱害福，便得領受如是等類眾多勝利。



癸三、覺分持

子一、結前生後

如是菩薩既發心已，云何修行諸菩薩行？

子二、攝舉綱要；丑一、總標

略說菩薩若所學處、若如是學、若能修學。¹¹⁸如是一切總攝為一，名菩薩行。

¹¹⁸ 所應學處，名所學處。如是應學，名如是學。精勤修學，名能修學。下自文中正廣宣說，如次應知。

癸三、覺分持

子二、攝舉綱要；丑二、別廣；寅一、所學處；卯一、標是諸菩薩於何處學？謂七處學。

子二、攝舉綱要；丑二、別廣；寅一、所學處；卯二、列辰一、唵陀南

云何七處？唵陀南曰：

自他利實義 威力熟有情 成熟自佛法 第七菩提處

辰二、長行；巳一、標名

一、自利處，二、利他處，三、真實義處，四、威力處，五、成熟有情處，六、成熟自佛法處，七、無上正等菩提處。

壬二、別顯「持」義

持

種性

發心

菩提
分法

自利、利他處

真實義處

威力處

成熟有情、自佛法處

無上正等菩提處

六項

四類

卷37

卷37

卷38

卷35~36

卷36

壬二、別顯「持」義

辰二、長行；巳二、釋義；午一、自利利他處（即自他利品）

自利、利他處

六項

卷35~36

持

種性

發心

菩提
分法

申一、純共自利利他

申二、利益種類自利利他

申三、安樂種類自利利他

卷35

申四、因攝果攝自利利他

申五、現法後法自利利他

申六、畢竟不畢竟自利利他

卷36


癸三、覺分持

辰二、長行；巳二、釋義；午一、自利利他處（即自他利品）
未一、徵

云何自利利他處？

辰二、長行；巳二、釋義；午一、自利利他處（即自他利品）
未二、列

謂自利利他略有十種。一、純自利利他，二、共自利利他，
三、利益種類自利利他，四、安樂種類自利利他，五、因攝自
利利他，六、果攝自利利他，七、此世自利利他，八、他世自
利利他，九、畢竟自利利他，十、不畢竟自利利他。



自利、利他處

申一、純共自利利他

戌一、略標所應

亥一、純自利

地一、貪慳財法

地二、希求染有

地三、貪得利養

地四、貪他供事

地五、貪著定樂

亥二、自利共他

亥三、純利他

地一、邪見行施


地二、壞戒說法

地三、捨色生欲

地四、現變化事

地五、作諸佛事

亥四、利他共自




申一、純共自利利他

戌一、略標所應

云何菩薩純共自利利他？

謂諸菩薩，於純自利利他應知應斷，違越不順菩薩儀故。¹¹⁹
於其所餘應勤修學，不越隨順菩薩儀故。

¹¹⁹ 菩薩所受三種淨戒，謂律儀戒、攝善法戒、饒益有情戒。
如是一切，名菩薩儀。障礙不行，是名違越。顛倒而取，是名不順。



申一、純共自利利他

戌二、廣列種類

亥一、純自利

天一、列種種；地一、貪慳財法


此中菩薩於純自利應知應斷者，謂**A**為己樂，求財受用；或**B**為吝法，於佛菩薩所說教法追訪受持。

天一、列種種；地二、希求染有

或**1**為生天受天快樂，受持禁戒，發勤精進修習定慧；或**2**求世間有染果報，為世財食，恭敬供養諸佛制多。

天一、列種種；地三、貪得利養

或貪利養，為利養故，自說種種無有義利不實功德，誑惑於他，招集利養。



申一、純共自利利他

戌二、廣列種類

亥一、純自利


天一、列種種；地四、貪他供事

或**1**欲貪他作己僮僕，為驅使故，**非法攝眾**，不如正法。

2矯設方便拔濟有情，令於他所免為僮僕，**還自攝受為己僮僕**；

3拔濟有情令脫繫縛，**還自拘執成己事業**；

4拔濟有情，令於他所解脫種種治罰怖畏，**還自懾伏令懼於己**。



申一、純共自利利他

戌二、廣列種類

亥一、純自利


天一、列種種；地五、貪著定樂

若諸菩薩耽著諸定現法樂住，¹²³棄捨思惟利眾生事。

天二、結所應

當知此等名純自利。菩薩於是純自利行應知應斷。

¹²³ 耽著諸定現法樂住等者：謂不攝受下地白法，由悲願力還生欲界故。



申一、純共自利利他


戌二、廣列種類

亥二、自利共他

若諸菩薩**1**或悲為首，**2**或為迴向無上菩提，及**3**為生天，¹²⁴於一切時修施、忍等，當知是名自利共他。

又除如前所說諸相，其餘一切與彼相違所有自利諸菩薩行，當知皆名自利共他。
菩薩於此應勤修學。

¹²⁴ 及為生天者：為化彼天而受生故。此有多別，如住品說。



申一、純共自利利他

戌二、廣列種類

亥三、純利他

天一、列種種；地一、邪見行施


此中菩薩於純利他應知應斷者，謂以邪見修行施等。125

天一、列種種；地二、壞戒說法

以無因見及無果見，毀犯尸羅，遠離正行，為他說法。126

125 於施、戒、修諸福業事執為最勝，心為邪見之所覆蔽，此不自利，唯說施等名純利他。

126 謂若毀犯尸羅，遠離正行，此不自利。為他說法，名純利他。聞所成地說：自不住律儀，而能為他宣說正法，即此類是。



申一、純共自利利他

戌二、廣列種類


亥三、純利他

天一、列種種；地三、捨色生欲

若諸菩薩於諸靜慮善巧迴轉，已超下地，而更攝受下地白法。謂彼已能安住靜慮，由悲願力捨諸靜慮，隨其所樂還生欲界。

天一、列種種；地四、現變化事

又諸菩薩已得自在，於十方界種種變化，作諸眾生種種義利。



申一、純共自利利他

戌二、廣列種類

亥三、純利他

天一、列種種；地五、作諸佛事


又諸牟尼自事已辦，依止如來力、無畏等所有一切不共佛法，遍於十方無量眾生，能作無量大利益事。

天二、結所應；地一、應知斷

當知此等名純利他。如是所說純利他行，菩薩於前所說二種應知應斷。

天二、結所應；地二、應修學

於餘所說純利他行，多應修學。




申一、純共自利利他

戌二、廣列種類

亥四、利他共自

又除如前所說諸相，其餘一切與彼相違所有利他諸菩薩行，
當知皆名利他共自。
菩薩於此應勤修學。



申二、利益種類自利利他

云何菩薩利益種類自利利他？


略說應知有五種相。一、無罪相，二、攝受相，三、此世相，四、他世相，五、寂滅相。

戌一、無罪相

戌二、攝受相

戌三、此他世相

戌四、寂滅相




申二、利益種類自利利他

戌一、無罪相

若諸菩薩所有自能若少若多攝受善法、增長善法；或復令他若少若多攝受善法、增長善法，勸勉、調伏、安置、建立；¹²⁸是名菩薩利益種類自利利他無有罪相。

¹²⁸ 勸勉調伏安置建立者：攝事品說：謂諸菩薩，不信有情，於信圓滿殷勤勸導，乃至建立；犯戒有情，於戒圓滿殷勤勸導，乃至建立；惡慧有情，於慧圓滿殷勤勸導，乃至建立；慳吝有情，於捨圓滿殷勤勸導，乃至建立。（陵本四十三卷十五頁3525）其義應知。勸導讚勵，是名勸勉。訶責治罰，是名調伏。令出不善，安置善處，是名安置。令種善根，是名建立。



申二、利益種類自利利他

戌二、攝受相


若諸菩薩能引所有。若自若他。無染汙樂、或眾具樂、或住定樂，是名菩薩利益種類自利利他能攝受相。

申二、利益種類自利利他

云何菩薩利益種類自利利他？

略說應有五種相。一、無罪相，二、攝受相，三、此世相，四、他世相，五、寂滅相。

- 戌一、無罪相
- 戌二、攝受相
- 戌三、此世相
- 戌四、寂滅相



申二、利益種類自利利他

戌三、此他世相

天一、四句差別

若諸菩薩自利利他，或有**1** 此世能為利益，非於他世；或有**2** 他世能為利益，非於此世；或有**3** 此世及於他世俱為利益；或有**4** 此世及於他世俱非利益。

如是四種自利利他，於**四法受**（詳見下文），隨其次第，如應當知。129

¹²⁹ 自利利他及與法受四句分別，說有四種，前後配屬，如文易知，由是說言隨其次第。然非菩薩具此一切，是故說言如應當知。由諸菩薩自利利他，不應說有第四句故。

申二、利益種類自利利他

戌三、此他世相


天二、釋四法受

云何名為四種法受？

- 一. 或有法受，現在受樂，於當來世受苦異熟；
- 二. 或有法受，現在受苦，於當來世受樂異熟；
- 三. 或有法受，現在受樂，於當來世受樂異熟；
- 四. 或有法受，現在受苦，於當來世受苦異熟。

此四廣辯，如經應知。

是名菩薩利益種類自利利他此他世相。



申二、利益種類自利利他


戌四、寂滅相

亥一、略辨相


若諸菩薩**所有涅槃**，及得涅槃世出世間**涅槃分法**，是名菩薩**利益種類自利利他寂滅略相**。

亥二、顯最勝

當知此相望餘一切，無上最勝。



申三、安樂種類自利利他



云何菩薩安樂種類自利利他？

略說應知五樂所攝。何等五樂？一者、因樂，二者、受樂，三者、苦對治樂，四者、受斷樂，五者、無惱害樂。

戌一、出五體性

亥一、因樂

亥二、受樂

亥三、苦對治樂

亥四、受斷樂

亥五、無惱害樂

戌二、釋得樂名

亥一、因樂

亥二、受樂

亥三、苦對治樂

亥四、受斷樂

亥五、無惱害樂

戌三、思擇所應

亥一、泛明道理

天一、有無利益別

天二、憂苦喜樂別

亥二、思擇五樂

天一、利他攝

天二、自利攝


申三、安樂種類自利利他

戌一、出五體性

亥一、因樂

言因樂者，謂二樂品諸根境界，若此為因順樂受觸，若諸所有現法當來可愛果業，¹³⁰如是一切總攝為一，名為因樂。除此更無若過若增。

¹³⁰ 人天二趣諸根境界，樂異熟攝，名二樂品。順樂受觸，依二樂品諸根境界而生，名此為因。又若有業能感現法當來可愛異熟，是名現法當來可愛果業。



申三、安樂種類自利利他

戌一、出五體性

亥二、受樂；天一、明自性

言受樂者，謂待苦息，由前所說因樂所攝三因緣故，¹³¹有能攝益身心受生，名為受樂。

¹³¹ 即前所說諸根境界、順樂受觸、可愛果業，名三因緣。

申三、安樂種類自利利他

戌一、出五體性

亥二、受樂；天二、明差別；地一、二種

略說此樂復有二種。一者、有漏，二者、無漏。


無漏樂者，學無學樂。有漏樂者，欲、色、無色三界繫樂。

亥二、受樂；天二、明差別；地二、六種

又此一切三界繫樂，隨其所應六處別故，有其六種。謂眼觸所生，乃至意觸所生。

如是六種復攝為二。一者、身樂，二者、心樂。

五識相應，名為身樂；意識相應，名為心樂。



申三、安樂種類自利利他

戌一、出五體性

亥三、苦對治樂

苦對治樂者，謂因寒熱饑渴等事，生起非一眾多品類種種苦受，由能對治息除寒熱饑渴等苦，¹³³即於如是苦息滅時，生起樂覺，是則名為苦對治樂。

¹³³ 聲聞地說：食能對治諸饑渴苦；衣能對治諸寒熱苦；臥具能治諸勞睡苦，及能對治經行住苦；病緣醫藥能治病苦。

（陵本三十三卷五頁2683）其類應知。




申三、安樂種類自利利他

戌一、出五體性

亥四、受斷樂

滅想受定，名受斷樂。



申三、安樂種類自利利他

戌一、出五體性

亥五、無惱害樂；天一、標列

無惱害樂，應知略說復有四種。一、出離樂，二、遠離樂，三、寂靜樂，四、三菩提樂。

亥五、無惱害樂；天二、隨釋；地一、出離樂

正信捨家，趣於非家，解脫樊籠居家迫迕種種大苦，¹³⁵名出離樂。

¹³⁵ 謂若居家，攝受妻子、眷屬、財穀、珍寶，名種種苦。由是不能勤修正行，出離生死，名為大苦。

申三、安樂種類自利利他


戌一、出五體性

亥五、無惱害樂；天二、隨釋；地二、遠離樂
斷除諸欲惡不善法，證初靜慮離生喜樂，名遠離樂。

亥五、無惱害樂；天二、隨釋；地三、寂靜樂
第二靜慮已上諸定，尋伺止息，名寂靜樂。

亥五、無惱害樂；天二、隨釋；地四、菩提樂
一切煩惱畢竟離繫，於所知事如實等覺，此樂名為三菩提樂。 136

136 此樂名為三菩提樂者：聲聞、獨覺及大菩提，名三菩提應知。



申三、安樂種類自利利他

戌二、釋得樂名

亥一、因樂


此中因樂，是樂因故，說名為樂，非自性故。

亥二、受樂

此中受樂，樂自性故，說名為樂，非樂因故。

亥三、苦對治樂

苦對治樂，息眾苦故、遣眾苦故，說名為樂，非樂因故、非自性故。



申三、安樂種類自利利他

戌二、釋得樂名

亥四、受斷樂

其受斷樂，非樂因故、非自性故，亦非息遣種種苦故，說名為樂。然依勝義「諸所有受皆悉是苦」，住滅定時，此勝義苦暫時寂靜，故名為樂。



申三、安樂種類自利利他

戌二、釋得樂名

亥五、無惱害樂；天一、三菩提樂

無惱害樂所攝最後三菩提樂，由當來世此勝義苦永寂滅故，於現法中附在所依諸煩惱品一切麤重永寂滅故，¹³⁸說名為樂。

亥五、無惱害樂；天二、出離等樂

諸餘所有無惱害樂，於最後樂能隨順故，是彼分故，能引彼故，¹³⁹當知亦名無惱害樂。

¹³⁸ 由當來世此勝義苦永寂滅故等者：依無餘依及有餘依※說二寂滅，如文次第配釋應知。※「有餘依」，披尋記原作「有情依」。

¹³⁹ 於最後樂能隨順故等者：如次配釋前三種樂應知。

戌一、出五情性	戌二、釋得樂名	戌三、思擇所應
亥一、因樂	亥一、因樂	亥一、泛明道理
亥二、受樂	亥二、受樂	亥一、有無利益別
亥二、苦對治樂	亥二、苦對治樂	天二、善不善樂別
亥四、受斷樂	亥四、受斷樂	亥二、思擇五樂
亥五、無惱害樂	亥五、無惱害樂	天一、利他樂
		天二、自利樂

申三、安樂種類自利利他

戌三、思擇所應

亥一、泛明道理；天一、有無利益別

此中菩薩念與眾生有利益品所有安樂，終不念與無利益品所有安樂。菩薩於此無利益品所有安樂，以無倒慧如實了知；勸諸眾生令悉捨離，隨力所能方便削奪。140

140 隨力所能方便削奪者：戒品中說：**A**又如菩薩，見有增上增上宰官，上品暴惡，於諸有情無有慈愍，專行逼惱。菩薩見已，起憐愍心，發生利益安樂意樂，隨力所能，若廢、若黜增上等位。**B**又如菩薩，見劫盜賊奪他財物，若僧伽物、宰堵波物，取多物已執為己有，縱情受用。菩薩見已，起憐愍心，於彼有情發生利益安樂意樂，隨力所能，逼而奪取，勿令受用如是財故，當受長夜無義無利。（陵本四十一卷六頁3356）如是等類，其義應知。

申三、安樂種類自利利他		
云何菩薩安樂種類自利利他？略說應知五樂所攝、何等五樂？一者、因樂，二者、受樂，三者、苦對治樂，四者、受斷樂，五者、無惱害樂。		
戌一、出五體性	戌二、釋得樂名	戌三、思擇所應
亥一、因樂	亥一、因樂	亥一、泛明道理
亥二、受樂	亥二、受樂	亥二、有無利益別
亥三、苦對治樂	亥三、苦對治樂	亥二、受斷樂
亥四、受斷樂	亥四、受斷樂	亥二、思擇五樂
亥五、無惱害樂	亥五、無惱害樂	亥一、利他攝
		亥二、自利攝

申三、安樂種類自利利他

戌三、思擇所應

亥一、泛明道理；天二、憂苦喜樂別；地一、明與奪
若苦所隨有利益事，眾生於此雖無樂欲，菩薩依止善權方便，設兼憂苦，應授與之。¹⁴¹若樂所隨無利益事，眾生於此雖有樂欲，菩薩依止善權方便，設兼喜樂，應削奪之。

¹⁴¹ 設兼憂苦應授與之者：戒品中說：若諸菩薩安住菩薩淨戒律儀，見諸有情，應以種種辛楚加行、猛利加行而得義利，護其憂惱而不現行，是名有犯，乃至廣說。（陵本四十一卷九頁3370）翻彼應知此所說義。

申三、安樂種類自利利他

戌三、思擇所應

亥一、泛明道理；天二、憂苦喜樂別；地二、釋所以何以故？當知如是善權方便，與兼憂苦有利益事，奪兼喜樂無利益事，令彼眾生決定於後得安樂故。

亥一、泛明道理；天二、憂苦喜樂別；地三、顯義意是故菩薩於諸眾生若樂利益，當知義意即樂安樂；於諸眾生若與利益，當知義意即與安樂。所以者何？利益如因，安樂如果。是故當知，於諸眾生若與利益，必與安樂。



申三、安樂種類自利利他

戌三、思擇所應

亥二、思擇五樂；天一、利他攝；地一、一向授與

當知所有現法當來可愛果業所攝因樂、苦對治樂，及受斷樂、無惱害樂，菩薩於此不應思量，於諸眾生一向授與，以能饒益及無罪故。

亥二、思擇五樂；天一、利他攝；地二、分別所應

玄一、不應授與

於彼受樂及根塵觸所攝因樂，若能生染，若性是染，有罪無益，非所宜者，於諸眾生不應授與。

申三、安樂種類自利利他

戌三、思擇所應

亥二、思擇五樂；天一、利他攝；地二、分別所應

玄二、應授與

若不生染，若性非染，無罪有益，是所宜者，於諸眾生即應授與。

亥二、思擇五樂；天二、自利攝

菩薩於此隨自力能，亦應如是修行受學。¹⁴³

（總結）當知是名菩薩利益安樂種類自利利他。除此無有若過若增。

¹⁴³ 攝事品說：謂諸菩薩，若於是義、於是善根勸他受學，即於此義、於此善根或等或增自現受學。乃至廣說。（陵本四十三卷十八頁3535）其義應知。

以此功德種善根
累世怨親同霑恩
由斯解脫諸苦惱
共證菩提度有情

